

ახალი თაობა

akhalitaoba.ge

„სააკაშვილს ორი გვაგი ღვასა სჭირდება“

გვ.3



„ქართულმა ოცნებამ“ პროპორციულ არჩევნებზე უარით კარი გაუღო ნაცემოდრობის დაბრუნებას“

25 თებერვალიდან

მამა გაბრიელი – 90

პირველთა შორის უკანასკნელი

ფასი
გაზეთთან
ერთად
12 ლარი



სუთშაბათი, 27 თებერვალი, 2020

№48 (8312)

ფასი: 60 თეთრი

„სალომე ზურაბიშვილი გიგი უგულავას შეიწყალებს?!“



გვ.4



ვახტანგ ძაბირაძე: „ოპოზიცია თბილისში მაჟორიტარებად ლიდერებს დააყენებს“

სერგი კაკანაძე: „თუ პოლიტპატიმრებს გაათავისუფლებენ, ჩვენს ღაპუბრუნდებით დიალოგს“



ივანიშვილი რომ პარტიების მოსყიდვას დაინწყებს, ეს გასაგებია, მაგრამ მე არ მგონია, რომ ვინმე გაიყიდოს ივანიშვილის ფულზე

გვ.2



გიორგი ვაშაძე: „დასახელებული მაჟორიტარობის კანდიდატების სია ზუსტი არ არის“

გვ.3

„რუსეთი ბჟანიას გასაკონტროლებლად ინალ არძინბას გაგზავნის“

მამუკა გვაძაბია:
„ინალ არძინბა 29 წლისაა და მეტსახელად დობერმანს ეძახიან“

გვ.4



გვ.2

დრო იწურება, რა გადაწყვეტილებას მიიღებს ივანიშვილი?!

თინა ბოკუჩავა: „ივანიშვილმა უბრალოდ უნდა გაითავისოს, რომ ძალიან მაღალი ფასის გადახდა მოუწევს, თუ გადაწყვიტა, რომ არ შედგეს კონსენსუსი და არ გამოვიდეს ქვეყანა ამ კრიზისიდან, რომელიც პირადად მან შექმნა“

როგორ იმოქმედებს კორონავირუსი ლარზე



გვ.2



5 დედისა და ბავიის მკვლელობაში ბრალდებულ 19 წლის ბიჭს ბრალი წარედგინა

5 თენგიზ და ლუკა კალანდიაძის მიმართ სისხლის სამართლებრივი დავა შეწყდება

6 როუჯანი: „კორონავირუსი არ უნდა გახდეს იარაღი ჩვენი მტრის ხელში“

5 მურჯანიის კლინიკაში პაციენტის პალატას ესროლეს



სარბი კაპანაძე: „თუ პოლიტიკაში იმერს გავსაგებია, მაგრამ ჩვენს დავუბრუნდებით დიალოგს“



„ახალი თაობის“ კითხვებს ევროპული საქართველოს ერთ-ერთი ლიდერი სერგი კაპანაძე პასუხობს

ნონა ცაბაძე

ბატონო სერგი, საზოგადოების ერთი ნაწილის მხრიდან ისმის გულსწყობა, რომ ოპოზიციამ უკვე დაიწყო მათი კანდიდა-

ტების შერჩევა, მაშინ როდესაც, ხალხი აქციებზე იდგა, სისხლი დაღვარა, პროპორციულ ითხოვნადა, პოლიტიკაში იმერს გავსაგებია. რით უპასუხებთ მოსახლეობის ამ ნაწილს, დაყვეთი ხელისუფლების წინააღმდეგობით, რომ იყოს ძველი სისტემა?

– არა, რა თქმა უნდა! ჩვენ როდესაც ვლაპარაკობთ მათთვის კანდიდატების შეთანხმებაზე, ვლაპარაკობთ გეგმაზე-ზე. სამსახურად, ისეთი რეალობა გვაქვს, რომ ერთი შეშინებული ოლიგარქის გადაწყვეტილებას ველოდებით. რა გადაწყვეტილებას მიიღებს ეს ადამიანი, არავინ არ იცის. მიუხედავად საერთაშორისო ზენოლისა, მან შეიძლება მიიღოს გადაწყვეტილება და დატოვოს დღევანდელი სისტემა. რადგან ასეა, ჩვენი ამოცანაა, რომ დღევანდელი სისტემის დარჩენის შემთხვევაში, გვექნოდეს გეგმა, რომლითაც ასევე დამარცხდება ხელისუფლება. ჩვენ როდესაც ვამბობთ, რომ ხელისუფლე-

ბა ნებისმიერი საარჩევნო სისტემის პრობლემაში დამარცხდება, ამაში ვგულისხმობთ იმას, რომ ის ავტომატურად არ დამარცხდება.

– რა შემთხვევაში მარცხდება?

– დამარცხდება იმ შემთხვევაში, თუ მოხდება კოორდინირება მაქორიტარულ ოლქებში. მართა ამ შემთხვევაში დამარცხდება დღევანდელი სისტემით. ამიტომ, რადგანაც დრო ცოტაა და ერთი გადარეული დამიანის იმედზე ვერ ვიქნებით, ჩვენ დავინყებთ კოორდინირების პროცესი მაქორიტარულ ოლქებში. ეს არ არის არც ჩვენი აქამდე არსებული პოზიციების შეცვლა, პირიქით, ჩვენ ხელისუფლებას მოუწოდებთ, რომ პროპორციულზე გადავიდეს და პოლიტიკური პატიმრები გაათავისუფლოს. ეს არის ჩვენი ამოცანა და მათ ჩაშლის მოლაპარაკებები მაშინ, როდესაც დააკავს გიგი უპოლიტიკო, როდესაც დაინყეს დევნა დარჩენილ პოლიტიკურ ოპონენტებზე და როდესაც უარი თქვას პროპორციულ

სისტემაზე გადასვლაზე.

– გიგი უპოლიტიკო ახსენებ და სასჯელმთაბარი პირების თავიდან დაკავება რას უნდა მივანეროთ, ეს არის პირადი შურისძიება, რომ ისინი არ გაჩუმდნენ და არ შეუშინდნენ ივანიშვილის?

– ეს არის პირადად ოლიგარქის გადაწყვეტილება, რომ ზიანი მიაციუნოს ოპოზიციას. ასე ჰგონია მას, რომ ძალას თუ აჩვენებს, თუ დაიჭერს ხალხს, მაშინ დაზიანებს ოპოზიციას. ეს რამე ახალი კი არაა, ასე ფიქრობს დიდი ხანია. ახლა, უბრალოდ, მორიგი ნაბიჯი გადადგა. ჩვენ არ ვაპირებთ, რომ ამ თამაშს გავეყვით. მათ ააყირავეს მოლაპარაკების მაგიდა, ამიტომ აზრი ალარ აქვს, რომ ამ მაგიდას დაუბრუნდეთ. ახლა მან გადაწყვიტა, რომ პოლიტიკური დევნა გამოიყენოს მოლაპარაკების პარალელურად, ეს არ გამოვა.

გაგრძელება მე-4 გვერდზე

დრო იწურება, რა გადაწყვეტილებას მიიღებს ივანიშვილი?!

ნონა ცაბაძე

„ახალი თაობის“ კითხვებს ნაციონალური მოძრაობის ერთ-ერთი ლიდერი თინა ბოკუჩავა პასუხობს.

– თინა, მედიისთვის დახურული შეხვედრა გაიმართა ამერიკის საელჩოს ინიციატივით. გამოვიდა ინფორმაციები, რომ ხელისუფლებას და ოპოზიციას შორის ვარკვეული მოლაპარაკება და შეთანხმება შედგა. რას იტყვი?

– ეს შეხვედრა შედგა ამერიკის ელჩის მოადგილესთან. მე არ ვიცი, ვინ გაავრცელა ეს ინფორმაცია შეთანხმების თაობაზე, რომელიც რეალობას არ შეესაბამება.

– თავად თუ ესწრებოდათ ამ შეხვედრას?

– დიახ, ვესწრებოდი.

– ძირითადად რა საკითხები განიხილეთ?

– ეს იყო ქალბატონი ელიზაბეტ რუდის, რომელიც არის ამერიკის დესპანი, ელჩის მოადგილე, სადილი, რო-

მელსაც ის რეგულარულად მართავს სხვადასხვა პოლიტიკური ჯგუფის წარმომადგენლებთან. მხოლოდ ეს შემოიღია გითხრათ.

– შეთანხმება, მოლაპარაკება, მსგავს თემებზე არ ვისაუბრობთ?

– რაც გითხრათ, მხოლოდ ამის თქმა შემიძლია.

– ხელისუფლებასთან მოლაპარაკებების გაგრძელების შესახებ რამდენად არის?

– რაც შეეხება მოლაპარაკებებს, მოგახსენებთ ამასთან დაკავშირებით. იცით, რომ მაგიდა ააყირავა ივანიშვილმა, მაშინ, როდესაც დაიჭირა ერთ-ერთი მოლაპარაკებელი და გამოაცხადა, რომ სხვებიც რიგში არიან. ისინი ერთი ხელით ადამიანებს ეპატივებიან მოლაპარაკების მაგიდასთან, ხოლო მეორე ხელით თავუმაძიებს და მსგავსი მონა მოსამართლეების გამოყენებით საპრობლემაში ამწყვედვენ. მან ჩაშალა მოლაპარაკების მაგიდა, რაც ბუნებრივია, დიდი იმედგაცრუება იყო, მათ შორის ჩვენი საერთაშორისო პარტნიორებისთვის.

– როგორია თქვენი პირობა?

– ჩვენ მზად ვართ, რომ ნებისმიერ



კონსენსუსულ ნინადადებებს, რომელიც საქართველოს მოქალაქის ინტერესიდან ამოდის, ჩატარდეს ქვეყანაში ნორმალური, სამართლიანი არჩევნები და მათ შეეძლოს თავიანთი გადაწყვეტილების შესაბამისად მთავრობის დამოკიდებულება. ანუ ისეთი პარლამენტის მიღება, რომელიც რეალურად წარმოადგენს ხალხის ნებას, ამას ნებისმი-

თინა ბოკუჩავა: „ივანიშვილმა უბრალოდ უნდა გაითავისოს, რომ ძალიან მაღალი ფასის გადახდა მოუწევს, თუ გადაწყვიტა, რომ არ შედგეს კონსენსუსი და არ გამოვიდეს ქვეყანა ამ კრიზისიდან, რომელიც პირადად მან შექმნა“

ერ მოცემულობაში დაუჭერთ მხარს, თუ იქნება იმის გარანტიები, რომ შეწყდება პოლიტიკური დევნა და ის პოლიტიკატიმრები, რომლებიც ახლა იმყოფებიან ქვეყნის სხვადასხვა ციხეებში, დატოვდნენ საპრობლემაზე. ეს არის ჩვენი ძალიან პრინციპული პოზიცია, რომელსაც იზიარებს მთავარი ოპოზიციური ბირთვი.

– ხელისუფლების მხრიდან ამის მზობას რამდენად ხედავთ?

– ხელისუფლებაზე საუბარი ამ შემთხვევაში ძალიან აბსტრაქტულია, იმიტომ, რომ ჩვენ ვცხოვრობთ ქვეყანაში, სადაც ყველაფერს აკონტროლებს ერთი ადამიანი, რომელიც ყველა გადაწყვეტილებას იღებს და შემდგომ ავალბებს დანარჩენებს მათ შესრულებას. ასეა ამ შემთხვევაში.

ივანიშვილმა უნდა გაიზაროს, რომ ეს კრიზისი მის წინააღმდეგ მოქმე-

დებს, რომ თუ ამ კრიზისიდან გამოსვლას არ მოისურვებს თავად, მაშინ, კიდევ უფრო სავალალო მდგომარეობაში აღმოჩნდება ის პირადად. ბუნებრივია, ყველამ კარგად ვიცით, რომ ქვეყანასა და ქვეყნის ინტერესებზე, ის არასოდეს ფიქრობდა.

– კახი კალაძე აცხადებს, რომ ის მართლაც ინდივიდუალურ შეხვედრებს ოპოზიციის ლიდერებთან, რომ უკვე შეხვდა რამდენიმე პარტიას.

– არ ვიცი, კალაძე ვის შეხვდა. ჩვენს ოპოზიციურ ფორმაში, სადაც პრაქტიკულად ყველა ოპოზიციური პარტიანა წარმოდგენილი, ვისაც კი უნდა ეს იხილავს, ყველა ეს პარტია თვლის, რომ ძალიან მნიშვნელოვანია პრინციპული პოზიციების შენარჩუნება. ჩვენი ინფორმაციები დამალულია, საიდუმლო პაემუმები, კალაძესთან ან სხვა „ქართუ-

გაგრძელება მე-3 გვერდზე

როგორ იმოქმედებს კორონავირუსი ლარზე

იაგო ნაცვლიშვილი

მსოფლიო ახალი გამოწვევის წინაშეა და სამყარო კორონავირუსს ებრძვის, რომელიც უკვე დიდი ხანია გასცდა ჩინეთის საზღვრებს. ვირუსის შემთხვევები დაფიქსირდა ჩვენს რეგიონშიც, კონკრეტულად კი ირანში. ევროპის ქვეყნებიდან კი განსაკუთრებით მძიმე ვითარება იტალიაშია. ჩინეთთან და ირანთან ავიამოსვლა უკვე შეაჩერა საქართველომ. მართალია სამყარო იმაზე მუშაობს, რომ ვირუსმა ეპიდემიის სახე არ მიიღოს, მაგრამ ასევე მნიშვნელოვანია ეკონომიკური სტაბილურობის შენარჩუნებაც.

რა ელის საქართველოს ეკონომიკური თვალსაზრისით და ლარის კურსის მხრივ და რით აიხსნება ის, რომ ბოლო პერიოდში ლარის კურსის გამყარების ტენდენციაა? – ამ საკითხების შესახებ „ახალ თაობასთან“ ინტერვიუში არასამთავრობო ორგანიზაცია „საზოგადოება და ბანკების“ გამგებობის თავმჯდომარე გიორგი კეპულაძე საუბრობს.

– ბოლო პერიოდში ლარი მყარდება. თქვენ რა ახსნა გეყვით? რამ გამოიწვია ლარის გამყარება, მაშინ, როცა ბოლო წლებში პირიქით, ეროვნული ვალუტის გაუფასურებას შევეჩვიეთ? ამჯერად რამ გამოიწვია დადებითი ეფექტი?

– სხვადასხვა მოსაზრება მოვისმინე ამ თემაზე. ჩემი აზრით, მნიშვნელოვანია რამდენიმე საკითხი. პირველი, ეს გამოიხატა ეროვნული ბანკის მიერ მონეტარული პოლიტიკის გამკაცრებით, ეს უკავშირდება რეფინანსირების განაკვეთის გაზრდას. მოგახსენებთ, სექტემბრიდან მოყოლებული 2%-ით გაიზარდა საბოლოო ჯამში რეფინანსირების განაკვეთი, რამაც გარკვეული პერიოდის შემდეგ მოახდინა ეფექტი. ასევე აღსანიშნავია ის, რომ სარეზერვო

მოთხოვნა დოლარში მოზიდულ სახსრებზე შეამცირა ეროვნულმა ბანკმა, რამაც ბანკებს მისცა საშუალება, რომ დაკრედიტება გაეზარდათ. ასევე ძალიან მნიშვნელოვანია მაკროეკონომიკური პარამეტრები, იანვრის მონაცემების მიხედვით, ყველაფერი ნორმაში იყო. შემცირებული იყო იმპორტი და გაზრდილი იყო ექსპორტი.

ერთ-ერთი მნიშვნელოვანი ფაქტორი იყო ის, რომ ინფლაციის და ფასების ზრდის გამო მოთხოვნა შემცირებულია და მომხმარებელს ალარ აქვთ საშუალება, რომ შეიძინონ იმპორტირებული პროდუქტები და კორონავირუსის გამო ჩინეთთანაც შემცირებულია იმპორტი, ეს არის ჩემი ვარაუდი. ჩემი ინფორმაციით, ტექნიკის მაღალი ღირებულება და სათანაშოების მაღალი ღირებულება ამ ეტაპისთვის შეწყვეტილი აქვთ ჩინეთიდან იმპორტი, ყოველ შემთხვევაში, მათ დიდ ნაწილს. ამან კი თავისთავად დოლარზე მოთხოვნა და ლარზე ზენოლა შეამცირა.

– ეს ჩამოთვლილი ფაქტორები მთლიანობაში ახდენს დადებით შედეგს ეროვნული ვალუტაზე?

– დიახ. ის მონაცემები, რაც ამ ეტაპზე გვაქვს, ამ ვარაუდის საშუალებას გვაძლევს. კონკრეტული ინფორმაცია, როგორი იყო იმპორტი თებერვალში და ზოგადად კონკრეტული თარიღების შესახებ ინფორმაცია, ალბათ მოგვიანებით გახდება ცნობილი ჩვენთვის, თუმცა ამ ეტაპზე შეგვიძლია ვივარაუდოთ, რომ ეს ძირითადი მიზეზებია ლარის გამყარების თვალსაზრისით.

ასევე აღსანიშნავია მოლოდინი. ყველა ელოდება ხოლმე, რომ ჩაივლის ახალი წელი და დოლარი გაიქცევა და ლარი მას ვეღარ დაეწევა და ა. შ. ამ მოლოდინმა გადაიარა, მიხვდა ყველა, რომ ეს მოლოდინი არასწორი იყო, რასაც თავისთავად უკურეაქცია მოჰყვა. ამას გარდა, სეზონური ფაქტორებიც არსებობს, გაზაფხული ახლოვდე-

ბა, შესაბამისად, ტურიზმიდან შემოსულობების ზრდას ველოდებით სხვა თანაბარ პირობებში, თუ, ვთქვათ, სხვა ფაქტორებმა არ შეგვიშალა ხელი.

– პროგნოზირების დროს ახსენებ ფრაზა, თუ რამე ხელი არ შეგვიშლავს, კორონავირუსის სახით მსოფლიოს წინაშე დიდი გამოწვევაა. ეკონომიკის მინისტრმა გითხრა, რომ მართა ერთ თვეში ირანიდან და ჩინეთიდან ფრენების შეჩერების გამო 30 მილიონიან ზარალს ველოდებით. რას გამოიწვევს ეს პროცესები ქართული ეკონომიკისთვის?

– საუბარია 30 მილიონ ლარზე, რაც დაახლოებით 10 მილიონი დოლარია. პირად ჩვენ ორგანიზაციას ჯერ არ დაუთვლია და ძალიან ძნელია საუბარი იმაზე, რა შეიძლება იყოს ზარალი. ირანიდან ტურიზმი, მით უმეტეს საპაერო ნაკადები, ისედაც შემცირებული იყო, ძირითადად სახმელეთო გზით შემოდის ირანიდან ტურისტები. რაც შეეხება ჩინეთს, ეს მიმართულება საკმაოდ მზარდი იყო, თუმცა, სამსუხაროდა, კორონავირუსის გამო მსოფლიოში პრობლემაა. ავიაკომპანიებს შეექმნათ პრობლემა, ასევე ტურისტულ კომპანიებს საკრუიზო ლაინერებს და ა. შ. ჩვენ გლობალური ეკონომიკის ძალიან მცირე ნაწილი ვართ, შესაბამისად, ეს პრობლემები ჩვენზე პირდაპირ არ აისახება.

თუმცა, ცხადია, გვაქვს ურთიერთობა ირანთან და ჩინეთთან, როგორც სავაჭრო, ასევე ტურისტული თვალსაზრისით. ეს დანაკლისი არ არის ძალიან დიდი, შესაბამისად, სწორი ეკონომიკური ხედვების შემთხვევაში, ამის დაბალანსება შესაძლებელია. ამიტომ, რაღაც სერიოზულ პრობლემებს ამის გამო მე არ ველოდები.

ამ შემთხვევაში ძალიან მნიშვნელოვანია, რომ ჩვენ არ აყვეთ პანიკას როგორც ჯანმრთელობის კუთხით, ისე ეკონომიკური და ფინანსუ-



რი თვალსაზრისით. ამ შემთხვევაში პანიკა ნამდვილად არ გვარგებს და მნიშვნელოვანია, რომ სახელმწიფომ უზრუნველყოს საკუთარი მოქალაქეების ჯანმრთელობის დაცვა იმ მხრივ, რომ საზღვრებზე შემომდგეს ყველა მგზავრი თუ ტურისტი.

თუმცა, აგერ უკვე იტალიაში დაფიქსირდა ინფიცირების შემთხვევები. ფაქტობრივად, ჩვენი მეზობელია ირანი და ეს, რა თქმა უნდა, ეკონომიკურ მდგომარეობაზე გავლენას ახდენს. ჩემი ინფორმაციით, ირანიდან სოფლის მეურნეობის პროდუქტების შემოტანაც შეზღუდეს თვითონ იმპორტიორებმა. თუმცა, ვიმედოვნებ, რომ აუიოტაჟი გადაივლის და ეკონომიკური საფრთხე ნაკლები იქნება.

სავალუტო ფონდი და საერთაშორისო ფინანსური ორგანიზაციები საუბრობენ, რომ ეს შეიძლება იყოს მსოფლიო ეკონომიკის შენელების ერთ-ერთი ფაქტორი. იმედი ვიქონიით, რომ ჩვენზე შედარებით დრამატულად იმოქმედებს.

ახალი თაობა
გამომცემი
 1993 წლის
 23 ივლისიდან

მთავარი რედაქტორი – სოლო გოგინაშვილი
რედაქტორი – ლალი ალანაშვილი

საფინანსო სამსახური – ელზა ბალაძე
სარედაქციო სამსახური – 294-02-55

დირექტორი – ზურაბ შერიძე
გაერთიანების სამსახური – მერაბ ლევერაშვილი

მისამართი: ქ. თბილისი, ჩუბინაშვილის ქ. №50, მე-3 სართული.
ტელეფონი/ფაქსი: 294-06-91
ვებგვერდი: www.akhalioba.ge **ელ.ფოსტა:** axtaoba@mail.ru

რედაქციაში შემოსული მასალები არ რეცენზირდება და ავტორებს არ უბრუნდება. რედაქციის თანხმობის გარეშე გაზეთში დაბეჭდილი მასალების, სურათების და სარედაქციო განცხადებების სრული ან ნაწილობრივი გამოყენება აკრძალულია. სტატიაში გამოქვეყნებული მასალების სიზუსტეზე პასუხს აგებს ავტორი. საავტორო უფლებები დაცულია.



გიგა ბუკია: „სააკაშვილს ორი გზა მიღწევა“

„ქართულმა ოცნებამ“ პროპორციულ არჩევნებზე უარით კარი გაუღო ნაციონალური მოძრაობის დაბრუნებას“

მარიამ მჭედლიშვილი

რატომ არ არის საფუძვლიანი ფინანსთა და ჯანდაცვის მინისტრების იმპროვიზაციისთვის? რატომ არ არის დანაშაული პარლამენტის ქუთაისის შენობის გაყვანა? რა დატვირთვა ექვსეკვალა ყბადაღებულ „ორ გვამს“ რეალობაში? შეიძლება იყოს თუ არა უთანხმოება სააკაშვილსა და მერაბიშვილს შორის? ამ საკითხებზე „ახალი თაობა“ ესაუბრა პარლამენტის უმრავლესობიდან გამოსულ კონსერვატივ დეპუტატ გიგა ბუკიას.

– პარლამენტში გრძელდება ხელმძღვანელები ფინანსთა და ჯანდაცვის მინისტრების იმპროვიზაციის მოსაზრებად. ისინი არ მივიდნენ პარლამენტში დაბრუნების შემდეგ. თქვენ რას იტყვიან? – პარლამენტს ევალება აღმასრულებელი ხელისუფლების კონტროლი. პარლამენტი ამ ფუნქციას უნდა ასრულებდეს. კანონისა და რეგლამენტის შესრულებაც სავალდებულოა, თუმცა, ამ შემთხვევაში შეიქმნა რაღაც საგანგებო სიტუაცია და მე მინისტრებს ვერ დავადასაშაულებ. მათი იმპროვიზაციის მიზეზს ვერ ვხედავ. ჩვენ პარლამენტის ახალი რეგლამენტით ვმუშაობთ. თავიდანვე ვამბობდით, რომ გარკვეული პროცედურები ამ რეგლამენტში დასახვეწია. ეს ახლა ნათლად გამოჩნდა. მინისტრები, რომლებიც კომიტეტისა თუ ფრაქციის სხდომებზე არ მოვიდნენ, მანამდე ორი თუ სამი დღით ადრე იმყოფებოდნენ საკანონმდებლო ორგანოში და დიდი ხნის განმავლობაში პასუხობდნენ დასმულ კითხვებს. რისთვისაც კიდევ დაიბარეს, იმაზე მათ ნალაპარაკები ჰქონდათ.

– რეგლამენტთან დაკავშირებული კოლიზია წარმოიშვა?

– რეგლამენტში ბევრი რამ ჩავენერეთ, თუმცა, როგორც ჩანს, უფრო მეტი დაზუსტებაა საჭირო, ყველა ნიუანსია გასათვალისწინებელი. ეს საიმპროვიზაციო საკითხი არ არის. ამ მინისტრებს რომ სისხლის სამართლის დანაშაული ჩადენიათ, სხვა საქმე იქნებოდა. როცა საქმე ეხება ინსტიტუტებს და არა – ხელისუფლება-ოპოზიციის კამათს, ჩვენი უნდა დავესხედით და დავხვეწით რეგლამენტს.

– როცა პარლამენტის პლენარული სხდომები ქუთაისში ტარდებოდა, მინისტრები სწორად სიშორის გამო ვერ ცხადვებოდნენ პარლამენტში. დღეს საზოგადოების ნაწილი პარლამენტის ქუთაისის შენობის გაყვანას აპროტესტებს.

– ყველას თავისი მოსაზრება აქვს. არ ვეთანხმები იმ აზრს, რომ პარლამენტის ქუთაისში მუშაობამ ამ ქალაქს რაიმე შემატა. ქუთაისი ამან ვერ განავითარა. ეს იყო სააკაშვილის ახირებული და ხარჯიანი გადამწყვეტილება. პარლამენტის თბილისში დაბრუნებას პირად საუბრებში ემხრობოდა ჩვენი ოპონენტების 99%. მათაც უჭირდათ იქ სიარული და დაბრუნებულ მინისტრებსაც.

ქუთაისის შენობის ასაშენებლად სააკაშვილმა დახარჯა 400 მილიონამდე ლარი. ხომ ვიციან, რომ ეს სოლიდური თანხა გონივრულად გამოყენებინა? ამ შენობის შენახვასაც ფული სჭირდება. რა არის იმაში ცუდი, თუ ის გაიყიდება? აბა, პრივატიზაცია სხვა რა არის? ინვესტორი მას ახალ ფუნქციას შესძენს.

ამ თემაზეც ისეთივე ხელოვნური აჟიოტაჟია ატეხილი, როგორც ფინანსთა და ჯანდაცვის მინისტრებზე. ბოლო წლის განმავლობაში ფინანსთა მინისტრი ექვსჯერ თუ შვიდჯერ იყო პარლამენტში მოსული. ესეც გავისხენოთ. ამ



ხელისუფლებას თავისი შეცდომები ეყოფა. მისი დადანიშნულება სააკაშვილის ქმედებებში დღიშლის მომგვრელია. სააკაშვილმა დაუშვა შეცდომა, რომ 400 მილიონი მიხარჯა უსარგებლო ნაგებობას და პარლამენტი იქ გადაიტანა. ხელისუფლება თუ ამ შენობას ყიდის, ის სწორად იქნება.

– სააკაშვილისგან მალე განსაკუთრებულ აქტიურობას უნდა ველოდით? მარტივად მისი შტაბი იხსნება.

– სააკაშვილი შორიდან ისედაც აქტიური იყო. პროპორციული არჩევნები რომ არ უნდოდა, ეს ვერ დამალა. მისი და „ქართული ოცნების“ სურვილები ერთმანეთს დაემთხვა. სააკაშვილი დესტაბილიზაციისთვის იბრძვის. ადრე ვანო მერაბიშვილმა სააკაშვილის დავალებით ბრძანა ორი გვამის მოტანა. სააკაშვილს მაშინ ორი გვამი სჭირდებოდა ხელისუფლების შესანარჩუნებლად. ორი გვამი დღესაც აქტუალურია.

– დააზუსტეთ.

– სააკაშვილს ორი გვამი დღესაც სჭირდება. ამჯერად – ძალაუფლების დასაბრუნებლად. მაშინ ეს ესაჭიროებოდა ხელისუფლების შენარჩუნებისთვის, ახლა კი – დაბრუნებისთვის.

– ამაში ფიგურალურად დესტაბილიზაცია

ციას გულისხმობთ? ვანო მერაბიშვილი ისევ მასთან არის? გარეგნულად, სააკაშვილსა და მერაბიშვილს შორის დიდი თანხობა არ უნდა იყოს.

– არა მგონია, ისინი დაპირისპირებულები იყვნენ. ხელისუფლებაში ნაციონალური მოძრაობის შემთხვევაში ლიდერი ისევ სააკაშვილი იქნება და მის გვერდით ვიხილავთ მერაბიშვილსაც. აბა, სხვა როგორ წარმოვიდგინოთ?!

– ყველა იმისთვის იბრძვის, რომ ძალაუფლება აღარ ჩაუვარდეს ხელში რომელიმე ერთ პარტიას.

– თუნდაც ოპოზიციური ერთობა მოვიდეს ხელისუფლებაში. ნათლაშვილი და დავითაია გახდებიან სააკაშვილის ოპოზიციის? ეგენიც სააკაშვილის ქოლგის ქვეშ იქნებიან, მერაბიშვილიც და სხვადასხვა პარტიაში გადანიშნული ნაციონალისტებიც. ეს ნაციონალური ხომ სინამდვილეში არ დაშლილა! ისინი გადაინაწილდნენ.

სამწუხაროა, რომ „ქართულმა ოცნებამ“ პროპორციულ არჩევნებზე უარით კარი გაუღო ნაციონალური მოძრაობის დაბრუნებას. „ქართული ოცნება“ ამყარებს ორპოლუსიანობას. არადა, მოსახლეობის შეკვეთა ორპოლუსიანობა არ არის. პროპორციული სისტემა ამას ბოლოს მოუღებდა.

– მალაზუ მანალიკაშვილის სააკაშვილთან ჩასვლაზე რისი თქმა შეიძლება?

– დეტალები არ ვიცი. აძლევს თუ არა ვინმეს დავალებებს სააკაშვილი, ეს წერილობრივად ფაქტია, რომ მას საქართველოში დესტაბილიზაცია ისევ უნდა. მალაზუ მანალიკაშვილზე კი იმის თქმა შემიძლია, რომ მან თავისი შვილის საქმეზე ყოველთვის ბევრი იცოდა. პარლამენტში დასურულ სხდომაზე ჩვენ ამაზე ინფორმაცია მივიღეთ. სამწუხაროა, რომ სააკაშვილსა და მერაბიშვილს ფანებიც ჰყავთ.

– მათი ფანების რაოდენობა გავზიადებული არ არის?

– სიტუაციის ასარეგად დასანყისთვის 20 კაციც საკმარისია. სააკაშვილის ბანაკში სხვებიც მოიხარებენ. ხელისუფლების ვალია, ხელი შეუშალოს დესტაბილიზაციის ქვეყანაში.

გიორგი ვაშაძე: „დასახელებული მაჟორიტარობის კანდიდატების სია ზუსტი არ არის“

„ახალი თაობის“ კითხვებს გაერთიანებული ოპოზიციის ერთ-ერთი ლიდერი გიორგი ვაშაძე პასუხობს

ნონა ცაბაძე

– ბატონო გიორგი, გაჩნდა ვარაუდი, რომ შესაძლოა კვლავ აღდგეს მოლაპარაკების მაგიდა ხელისუფლებასა და ოპოზიციის შორის. რამდენად ხედავთ ამის შანსებს?

– მე ვერ ვხედავ დიდ რესურსს მოლაპარაკებაში ამ ეტაპზე. იმიტომ, რომ არაადეკვატურია ის პოზიცია, რაც „ქართული ოცნების“ უჭირავს, რომელსაც სახელმწიფო მიჰყავს იზოლაციაში. საერთოდ ვერ ვხედავ იმ ფორმატის მოლაპარაკებების შანსებს, რომელიც არსებობდა. თუ ამის რეალური სურვილი ექნება „ქართული ოცნებას“, მან ხელი უნდა აიღოს პოლიტიკური დევნიდან და ადეკვატური შემოთავაზება უნდა გააკეთოს პროპორციულ არჩევნებთან დაკავშირებით.

– ჯერჯერობით ძალაში რჩება შემოთავაზება 100/50-ზე. იმისაც აცხადებენ, რომ თებერ-

ვლის ბოლოს იხურება მოლაპარაკების ფანჯარა.

– ეს გამოიცხადდა. ჩვენ ამაზე არ დავთანხმდებით. ფანჯარა იხურება მათთვის. ჩვენ ვიცით ჩვენი სტრატეგია იმ პირობებშიც, რა პირობებშიც ახლა არის საარჩევნო სისტემა. ამ სისტემით, მაინც შევძლებთ და დავამარცხებთ „ქართულ ოცნებას“. ყველა კვლევა ამას მიუთითებს და ჩვენი შინაარსობრივი მზადებაც.

– დასახელებული მაჟორიტარობის კანდიდატი თბილისის ოლქში, მათ შორის თქვენც. ეს საბოლოოდ შეთანხმებული სიაა?

– არა, რა თქმა უნდა. ეს ინფორმაცია ძალიან უდაბირული იყო. ჯერჯერობით ეს მსჯელობის საგანია. ასე დააჭრით თქმა და სახელების და გვარების დასახელება არასწორია. სამწუხაროდ, ეს ერთ-ერთმა ტელეკომპანიამ ამ თემაზე გააკეთა. მე ნებისმიერ რაიონში შემიძლია დავდეგე მაჟორიტარად, საქართველოს ნებისმიერ რაიონში. ეს ჩემთვის არანაირ პრობლემას არ წარმოადგენს. დარწმუნებული ვარ, რომ ყველგან მოვიგებ. იმიტომ, როგორც საჭირო იქნება საერთო საქმისთვის, იმის მიხედვით

გადავწყვეტ.

– მთავარია, როგორ შეთანხმდება ოპოზიციის რამდენად ერთსულოვანი ოპოზიცია და ხომ არ არის საფრთხე, ეს ერთობა დაირღვეს?

– ძირითადი ნაწილი ერთსულოვნები ვართ. ვფიქრობ, რომ ყველა ერთსულოვანი იქნება. სხვა რა გზა არის? გაერთიანების გარდა, სხვა გზა, ეს არის მარცხის გზა და იმიტომ ძალიან კარგი ფორმატი მოვიფიქრეთ გაერთიანების. პროპორციული ნაწილი ცალ-ცალკე იქნება და მაჟორიტარული კუთხით შეეცდება ყველა თანამშრომლობის ერთმანეთთან.

– კვლევებიც ასე აჩვენებს, რომ გაერთიანებულ ოპოზიციას ერთად აქვს 55%. ამიტომ თქვენს ინტერესშიც უნდა შედიოდეს, რომ არ დაიშალოთ.

– დიახ, რა თქმა უნდა. მე მგონი ამას, ყველა ადეკვატურად უნდა ხედავდეს და პირადი ამბიციები გვერდზე უნდა გადადოს.

– ინდივიდუალურ მოლაპარაკებებს ანარეზობს ხელისუფლება პარალელურ რეჟიმში ოპოზიციურ პარტიებთან და რამდენიმე პარტია იყო ამ შეხვედრაზე. ოპოზიციის გათიშვის მცდელო-



ბას აქვს ადგილი?

– ეს არის იაფფასიანი მცდელობები ხელისუფლების მხრიდან, მაგრამ ეს ჩვენს მომავალს და ჩვენს გეგმებს ვერ აზიანებს ვერც ერთ შემთხვევაში. ვილაც შეიძლება მივიღოთ ამ ინდივიდუალურ შეხვედრაზე, ვილაც – არა. საერთო ჯამში, ჩვენი მიზნები ერთიანი სტრატეგია გვაქვს. ამ ყველაფერზე კი უფრო დეტალურად 4 აპრილს დაგეგმილ აქციებზე ვისაუბრებთ.

დრო ინურება, რა გადაწყვეტილებას მიიღებს ივანიშვილი?!

დასაწყისი მე-2 გვერდზე ლი ოცნების“ წარმომადგენლებთან, არ ყოფილა. შეხვედრა ჰქონდა „გირჩს“ და კახა კუკავას პარტიას და ამაზე მათ საჯაროდ ისაუბრეს და განაცხადეს იმ შეთავაზებაზეც, რომელიც მიიღეს „ქართული ოცნებისგან“.

– რა იყო ეს შეთავაზება?

– ეს იყო 100/50-ზე, რომელიც ჩვენთვის პრინციპულად მიუღებელია, შემდგომ – 100/40-ზე, რომელიც ასევე პრინციპულად მიუღებელია. როდესაც ვამბობ ჩვენთვის, მე არ ვგულისხმობ მხოლოდ ნაციონალურ მოძრაობას, აქ იგულისხმება ის ოპოზიციური მაგიდა, რომლის ნაწილიც ჩვენ ვართ უკვე მრავალი კვირისა და რომელიც, ბუნებრივია, ბზარის შეტანას ივანიშვილი ცდილობს და ეცდება, თუმცა მე ნამდვილად იმედი მაქვს, რომ ჩვენ ისეთივე პრინციპული დავრჩებით ამ მაგიდის ირგვლივ, როგორც ვიყავით აქამდე. იმიტომ, რომ არა მხოლოდ მორალური ვალდებულებებიდან გამომდინარე, არამედ პრაგმატულად და პოლიტიკურად, კარგად ესმის, რომ ამ ერთობის პირობებში, ივანიშვილის დამარცხება არის გარდაუვალი!

– კვლევების თანახმად, გაერთიანებულ ოპოზიციას საკმარისი ძალა-ღონე უნდა აქვს...

– დიახ, ასეა და ყველას ინტერესში უნდა შედიოდეს ეს ერთიანობა.

– რას იტყვით იმ მაჟორიტარი კანდიდატების ხუთეულზე, რომელიც ერთ-ერთი ტელეკომპანიის მეშვეობით გავრცელდა. ეს შიდა დაძაბულობის თემაც გახსნათ.

– ჩემი აზრით, ნაადრევია ამაზე საუბარი, რადგან ყველა პარტიაში მიმდინარეობს მსჯელობა, ასევე პარტიებს შორის მიმდინარეობს მსჯელობა იმასთან დაკავშირებით, თუ რომელი კანდიდატი იქნება ოპოზიციისთვის ყველაზე სასარგებლო და რომელი კანდიდატი მოიგებს არჩევნებს პირველივე ტურში. ამიტომ კონკრეტულ სახელებზე საუბარი და კონკრეტულ ოქლებთან მათი კანდიდატებად წარმოჩენა, გაუმართლებელია ამ ეტაპზე, რადგან მოლაპარაკებებში დასრულებული არ არის. წინსწრებად ნებისმიერი მოლაპარაკების შედეგზე საუბარი, როცა მიმდინარეობს არ არის შეთანხმება, ჩემი აზრით, შესაძლებელია იყოს კონტრაპოდუქტიული!

– პროცესს დაზიანებს?

– ჩემი აზრით, მაშინ როდესაც არ არის შეთანხმებული მოლაპარაკების კონკრეტული შედეგი, შინაარსის წარმოჩენა ისე, რომ თითქოს და ეს შეთანხმება უკვე მიღწეულია, შესაძლოა, რომ მხარეებზე კონტრაპოდუქტიულად იმოქმედოს. ამიტომ მოთმინებით მივუდგეთ ამ საკითხს, თუმცა, ბუნებრივია, ისიც მნიშვნელოვანია, რომ დროულად მოხდეს ეს შეთანხმება და უნდა

მოხდეს კიდევ. თუ „ქართული ოცნება“ რაიმე დათმობას აპირებს, ეს ძალიან მალე უნდა განხორციელდეს, იმ კონსტიტუციური ვადებიდან გამომდინარე, რომელიც არსებობს.

– ხელისუფლებამ თებერვლის ბოლო დაასახელა. მოლაპარაკების ფანჯარა დაიხურება თებერვლის ბოლოს. ალბათ მალე უნდა გაცხადდეს, რას აპირებს ხელისუფლება?

– დღეს უკვე 27 თებერვალია. ორი დღე დარჩა ამ თვეში. ტექნიკურად შესაძლებელია ცვლილებების ინიცირება მარტის პირველ კვირაშიც, თუმცა მარტის კვირის ბოლოს, უკვე ნამდვილად იხურება შესაძლებლობის ფანჯარა. იმიტომ, თუ რაიმე გადაწყვეტილების მიღება სურს ივანიშვილს, ეს უნდა გააკეთოს დროულად და შემდგომ დაავალდოს თავის საპარლამენტო გუნდს, რომ ეს ცვლილებები გამოიტანოს პარლამენტში.

– მიზანმიმართულად ხომ არ ხდება პროცესის გაჭიანურება, რომ მერე ისევ ოპოზიციას დაბრალდეს ყველაფერი?

– არ გამოვირიცხავ, იმიტომ, რომ გადაბრალების და მუდმივად დამნაშავეის ძებნისას ყოველთვის ჩემი პოლიტიკური ძალა ხოლმე ადრესატია. რაზეც არ უნდა იყოს ეს, ღირსის გაუფასურების თემით დანყებული, აბსოლუტურად ყველა სხვა საკითხით დამთავ-


რებული, ისინი ეძებენ მუდმივად დამნაშავეს და გადაბრალების პოლიტიკით საზრდოობენ.

საზოგადოებო და დასახველი პარტნიორებიც ძალიან ბურგად ხედავენ, რომ ამ შემთხვევაში ჰართი არის ხელისუფლების მოედანზე და მათ გააჩნიათ ყველა ბერკეტი იმისათვის, რომ აღნიშნული კრიზისიდან გამოვიდნენ, თუ ამის პოლიტიკური ნება არსებობს. ამისთვის, ივანიშვილმა უბრალოდ უნდა გაითავისო, რომ ძალიან მაღალი ფასის გადახდა მოუწევს მას პირადად, თუ გადაწყვიტავს, რომ არ შედეგს კონსენსუსი და არ გამოვიდეს ქვეყანა ამ კრიზისიდან, რომელიც პირადად მან შექმნა.

– და რა იქნება ეს მაღალი ფასი?

– ეს მაღალი ფასი იქნება, პირველ რიგში, პერსონალურად მისი მარგინალიზაცია და შესაძლო საერთაშორისო იზოლაცია. ასევე არ გამოვირიცხავ პერსონალურ სანქციებს, რომელზეც უკვე ღიად საუბრობენ გარკვეული დასახველი პარტნიორები. ასეთი ბევრი მაგალითი გვინახავს, ამის უამრავი პრეცედენტი არსებობს და, როგორც წესი, ასე ასრულებენ ოლიგარქები. თუმცა მას ჯერ კიდევ აქვს შანსი, რომ შემოაბრუნოს სიტუაცია იმ თვალსაზრისით, რომ მისცეს საქართველოს რიგით მოქალაქეებს არჩევანის გაკეთების შესაძლებლობა.

– რა იგეგმება 4 აპრილის აქციაზე?



პოლიტოლოგი ვახტანგ ძაბირაძე „ახალი თაობასთან“ ინტერვიუში ქვეყანაში მიმდინარე პოლიტიკურ პროცესებზე საუბრობს.

„სალომე ზურაბიშვილი გიგი უზულაძეს შეინყალებს?!“

ვახტანგ ძაბირაძე: „ოპოზიცია თბილისში მაჟორიტარებად ლიდერებს დააყენებს“

არაფერი შეუთანხმებიაო. ეს პოზიციები დისონანსს შეიტანს?

– რა თქმა უნდა, არ არის სასიამოვნო, როდესაც შეუთანხმებელი ინფორმაცია ჟონავს საჯარო სივრცეში. ჯერ მთავარი საკითხი იმ მაგიდის ირგვლივ საარჩევნო სისტემა და სანამ არ გაირკვევა, რომელი სისტემით გადაინახებენ არჩევნებზე, მანამდე მაინც ჯობია, სხვა საკითხებისგან თავი შეიკავონ. არჩევნები რა სისტემით ჩატარდება, ამას დიდი მნიშვნელობა აქვს, თუნდაც მაჟორიტარების შეთანხმება-არშეთანხმების საკითხში.

იდეა, რომ ოპოზიცია ერთიანი კანდიდატით გამოვიდეს მაჟორიტარულ ოლქებში, მისასაღებელი და კარგია, მაგრამ მისი განხორციელება მაინც საკმაოდ რთული იქნება. ამ იდეას აქვს სუსტი მხარეებიც, რომელთაც ხელისუფლება აუცილებლად გამოიყენებს.

რაც შეეხება გვარების დასახელებას, სიმართლე გითხრათ, არ ვიცი, რამდენად გონივრულია ახლა ამის გაკეთება.

– 4 პარტიას აპირებენ.
– კი, აპირებენ, მაგრამ რა სიკეთეს მოუტანს ოპოზიციას კარტების ბოლომდე გახსნა და პირდაპირ გვარების დასახელება?!

– ხელისუფლებას გაუადვილებს საკუთარი კანდიდატის დასახელება?

– რა თქმა უნდა! კარტების ბოლომდე გახსნა არ მგონია, გონივრული იყოს. ხელისუფლებას რომ გაცილებით მეტი მექანიზმი აქვს,

ვიდრე ოპოზიციას, არც ეს არის საიდუმლო და ამიტომ გასაკვირია მისი ასეთი დამოკიდებულება.

კიდევ ერთი საკითხი: ოპოზიცია საერთო კანდიდატს გარკვეული პირობებით უჭერს მხარს თუ თავისუფალი მანდატის მატარებელია ეს კანდიდატი?!

– მხოლოდ ლიდერები იყრიან კენჭს მაჟორიტარებად თუ შეიძლება პოეტები, მსახიობები დააყენონ?

– მე მაინც მგონია, რომ ლიდერები იქნებიან. მათ საზოგადოება იცნობს. ცნობადობის პრობლემა არ აქვთ. ამიტომ, კიდევ ვიმეორებ, გაუგებარია, რატომ ასახელებენ ასე ადრე კანდიდატებს. თუ საზოგადოებისთვის უცნობ სახეებს დააყენებენ, მაშინ გასაგებია, მაგრამ მე არ მგონია, ოპოზიცია ამ მიმართულებით წავიდეს, თუმცა არაფერია გამორიცხული. ისე, მაგალითად, ნაციონალური მოძრაობის რომელიმე კანდიდატს უარს თუ ეტყვიან რომელიმე პოეტის სასარგებლოდ, ეს პრობლემებს შექმნის არა მხოლოდ ოპოზიციის ერთიანობის მიმართულებით, არამედ თავად პარტიაში.

ოპოზიციის ლიდერები მაინც თბილისის მაჟორიტარულ ოლქებში გადანაწილებიან. თბილისში სულ 20 მაჟორიტარული ოლქია და სრულადაც ათივეს ვის დაუპირისპირებს მათ „ქართული ოცნება“, ეს უკვე სხვა საკითხია.

– ქართული ოცნება? პოპულარულ სახეებზე გააკეთებს აქცენტს?

– აი, „ოცნებას“ მართლაც მოუწევს პოპულარულ სახეებზე აქცენტის გაკეთება და ამის მაგალითები ჩვენ არაერთი ვნახეთ.

– თუნდაც მთაწმინდის ოლქში.

– დიახ!

– ბატონო ვახტანგ, არსებული მოდელით ჩატარდება არჩევნები?

– როგორც ჩანს, მართლაც ყველაფერი აქეთკენ მიდის. თუმცა, ოპოზიციას ორი მოთხოვნა აქვს დაყენებული: ერთი, პოლიტიკტიმრების განთავისუფლება და მეორე, შეთანხმებული ვარიანტიდან ერთ-ერთის განხილვა. პოლიტიკტიმრების განთავისუფლება გამორიცხულია, ამას ხელისუფლება არ დაუშვებს.

ყველაფერი დამოკიდებული იქნება იმაზე, დასავლეთი რა მოთხოვნას წაუყენებს ხელისუფლებას. თუ „ქართული ოცნება“ დასავლეთის ზეწოლას ვერ გაუძლებს, მაშინ შეიძლება დათმობაზე წავიდეს, თუ არადა, დატოვებს იმას, რაც არის.

– ბატონოცხავთ, რომ სალომე ზურაბიშვილი გამო უზულაძეს შეინყალოს?

– თუ შეინყალებს, მაშინ ეს იქნება ხელისუფლების მითითება და სწორი მითითება იქნება. ზურაბიშვილი ამ გადანაწილებას თვითონ რომ არ მიიღებს, გასაგებია, ეს ისეთივე ბლუფი იქნება, როგორც ხუნდაძის ამბოხი, რასაც საზოგადოება არ დაიჯერებს.

თუმცა, შეწყალება სწორი გადანაწილებული იქნება.

ნათია ხურცილაძე

– ბატონო ვახტანგ, ოპოზიციის ნაწილი აცხადებს, რომ მაჟორიტარების უმრავლესობა შეთანხმებულია, ნაწილი ამბობს, ჩვენთან არავის

„რუსეთი ბჟანიას გასაკონტროლებლად ინალ არძინას გაგზავნის“

მამუკა გვაძაბია: „ინალ არძინა 29 წლისაა და მეტსახელად დობერმანს ეძახიან“

გულიკო ბალაძე

აფხაზეთში რიგგარეშე საბრუნდენტო არჩევნებია დანიშნული. გამარჯვებას ოპოზიციის ლიდერ ბჟანიას უწინასწარმეტყველებენ. თმობს თუ არა რუსეთი აფხაზეთის საზოგადოების წინაშე? თუკუბრუნდენტო რეგიონში გაიმარჯვდა რუსეთის შემთხვევაში, ბჟანიას აცლის თუ არა ამ რეგიონის მართვას? ვინ შეიძლება გამოავლინოს კრემლმა ბჟანიას საკონტროლებლად? „ახალი თაობის“ კითხვებს დამოუკიდებელი ექსპერტი მამუკა გვაძაბია ბახუსობს.

– ბატონო მამუკა, რას იტყვით ახლან ბჟანიისზე?

– ბჟანიას შესახებ არაერთგვაროვანი აზრი არსებობს დე ფაქტო აფხაზეთის პოლიტიკურ ისტებლიშმენტში. მას აფხაზეთში ბრალად სდებენ, რომ 1991-93 წლებში ის აფხაზეთის ეთნო-პოლიტიკური კონფლიქტის დროს, რომელიც რუსეთის ხელშეწყობით მიმდინარეობდა, არ მონაწილეობდა.

ამის შესახებ ბჟანიამ ვრცელი ინტერვიუც მისცა, სადაც ის ცდილობს, თავი იმართლოს, საუბრობს იმაზე, თუ სად იყო კონფლიქტის დროს. ეს ჩემთვის განსაკუთრებულს არაფერს ნიშნავს, მაგრამ ისეთმა ფიგურამ, რომელიც რადიკალური დაპირისპირების შუაგულში არ იყო და დღეს პრეზიდენტობის კანდიდატად გვევლინება, რუსეთის პოლიტიკურ წრეებში ძალიან დიდი ეჭვი გააჩნია.

– ამ მხრივ რუსეთის რეაქცია იქნება საინტერესო.

– რუსეთი პირდაპირ არ ცდილობს ამ კანდიდატის დამარცხებას, მაგრამ ირიბად ცდი-

ლობს, თადარიგი დაიჭიროს.
– რას გულისხმობთ?

– თუ ბჟანია პრეზიდენტი გახდა, მას მეთვალყურედ მიუჩინოს ნაშესტინიკი მოსკოვიდან.

– ვინ?

– 29 წლის ინალ არძინა. რომელიც არის ვლადისლავ არძინას ძალიან ახლო ნათესავი. ის, ფაქტობრივად, გაზრდილია მოსკოვში, რუსეთის სპეცსამსახურების წიაღში. დაიბადა 1990 წელს, ახალგაზრდა კაცია და ჯერ არ შეუძლია პრეზიდენტობაზე კანდიდატურის წამოყენება.

– ინალ არძინას მოსკოვიდან ჩამოყვანა ბჟანიას სურვილი იყო, თუ შესაძლებელია?

– ვეჭვობ, ეს ბჟანიას ინიციატივა იყოს. მას მიუთითებს, შენ იყავი, მაგრამ შემიძღოდა ინალ არძინა იქნება შენი თანაშემწე და ის კურირებას გაუწევს რეფორმებს აფხაზეთში.

– ინალ არძინა, აფხაზეთში უკვე ჩამოვიდა?

– არა, ის ჯერჯერობით მოსკოვშია. ის რუსეთის საპატრიარქოს ახალგაზრდულ საქმეთა დეპარტამენტის ხელმძღვანელია. თავის დროზე ის რუსეთის პრეზიდენტის თანაშემწე სურკოვის მარჯვენა ხელი იყო და მუშაობდა პრეზიდენტის თანაშემწის თანაშემწედ. სურკოვი პრეზიდენტმა გაათავისუფლა, მაგრამ იმ თანამდებობიდან გაათავისუფლება დაქვეითებას არ ნიშნავს. სურკოვი ნახევრად ჩეჩენია. დედა ჰყავს ჩეჩენი.

იმპერიის ცენტრში იმპერიის განაპირა ტერიტორიებიდან მოსულ პიროვნებებს ახალი-სებენ. ასეთი პიროვნებაა ინალ არძინა. მას მეტსახელად დობერმანი დაარქვეს. დობერმანი მეტროპოლი ძალის იყო.

2015 წელს ინალ არძინას წინააღმდეგ უკრაინის ხელისუფლებამ სისხლის საპართლის საქმე აღძრა უკრაინის ტერიტორიაზე ტერორისტული საქმიანობის გამო. ინალ არძინას ბრალი დაუსწრებლად წარედგინა ისეთ მძიმე დანაშაულებში, როგორიცაა სახელმწიფო საზღვრის ძალადობრივად შეც-



ვლის მცდელობა და საერთაშორისო ძებნა გამოცხადდა. როდესაც მის დასაპატიმრებლად საერთაშორისო ძებნა გამოცხადდა, ინალ არძინა პრეზიდენტის თანაშემწის თანაშემწე იყო.

ასეთ პიროვნებას დღეს მოსკოვი აფხაზების აფხაზეთში და, ფაქტობრივად, მომავალი რეალური საპრეზიდენტო კანდიდატის მარჯვენა ხელი იქნება.

ინალ არძინა არ არის ისეთი ფიგურა, რომ ამდენად ლირდეს, მაგრამ აქ იკვეთება რუსეთისა და კრემლის უნდობლობა აფხაზეთის პოლიტიკური ისტებლიშმენტის მიმართ.

– როგორც ჩანს, რუსეთი ვერ ეგუება ბჟანიას გამარჯვებებს?

– დიახ. როგორც ჩანს, ბჟანიას ხელს არ შეუშლიან, მაგრამ არ ენდობიან. ბჟანიას აბსოლუტური წარმომავლობა არ აქვს. სუფთა ქართული წარმომავლობის გვარია. ასეთი ბევრია აფხაზეთში. ასეთივე უნდობლობით ექცეოდნენ ანკეპასაც. მისი წინაპრები შექვაბიშვილები არიან. მას ამას ახსენებდნენ.

– ბჟანიამ განაცხადა, ქართველებს უნდა მოეგლიჯათ რუსეთი. ალბათ, ამიტომაც არის უნდობლობა მის მიმართ.

– მარტო ბჟანია არ აცხადებს ამას, შამბამაც კი განაცხადა. რა კონტექსტით, ვინ გააკეთებინა და რატომ გააკეთა განაცხადება, სხვა თემაა,

მაგრამ აფხაზეთი პოლიტიკური ისტებლიშმენტის დიდი ნაწილი ხედავს იმ რეალობას, რომ აფხაზეთს წასასვლელი არსად აქვთ.

საქართველოს ცენტრალური ხელისუფლებები უფრო ადეკვატური რომ იყვნენ, ჩვენ შეიძლება უფრო წინ წავწვდილიყავით ამ საკითხების განხორციელებაში, მაგრამ საქართველოს არც ერთ ხელისუფლებას არ უნდა იმის თქმა, თუ რატომ მოხდა ომი აფხაზეთში, ვინ დაიწყო, რა იყო ამის წინაპირობები და ა.შ. მიუხედავად ამისა, მათ წასასვლელი არსად აქვთ.

– ეს რას ნიშნავს?

– ხედვებთან, რომ აფხაზეთი ეთნოსის, აფსურური ეთნოსის ნომერ პირველი ჩამყლაპავი სომხური დიასპორაა.

აფხაზეთში არსებული სომხური დიასპორა უკიდურესად ანტიქართულია და არის განწყობილი. ამის გასანეიტრალებლად აფხაზეთი ეთნოსი, აფხაზეთი ისტებლიშმენტი რაღაც გზებს ეძებს, მაგრამ უშედეგოდ.

– თუ ცდილობენ, ვითარებას რატომ ვერ ცვლიან?

– სომხური დიასპორის უმეტესობა რუსული სპეცსამსახურების მიერ კონტროლდება. აფხაზეთი რაღაცის კეთებას ცდილობენ, მაგრამ ერთი განცხადება გააკეთა ბალაფშმა და მოსკოვის ერთ-ერთ კლინიკაში მოკლეს. ანკეპამ პატარა დაუმორჩილებლობა გამოიჩინა და აჯანყება მოუწვევს.

– ანუ ჩვენ როგორ უნდა ვიმოქმედოთ?

– ქართულმა სახელმწიფომ აფხაზეთს საზოგადოებასთან, დე ფაქტო აფხაზეთთან ურთიერთობაში უნდა გამოიყენოს ოფიციალური და არაოფიციალური არსებები.

ქართულმა სახელმწიფომ ისეთი ნაბიჯები უნდა გადადგას, რომ აფხაზეთი მოსახლეობის დიდ ნაწილში პროქართული განწყობა მომგებიანი გახდეს. რაღაც კონცეფცია მეც მაქვს შემუშავებული. რაც შეიძლება ნაკლებად გავანალიზებო და რაც შეიძლება მეტი მომხრე გავიჩინოთ აფხაზეთის პოლიტიკურ ისტებლიშმენტში. იმ მომხრეებში პროქართული პოზიციის დაფიქსირება აფხაზეთის საზოგადოებისა და მოსახლეობის წინაშე გამაღიზიანებელი არ უნდა იყოს.

სარკი კაპანაძე: „თუ პოლიტიკტიმრებს გაათავისუფლებენ, ჩვენს ღაუბრუნდებით დიალოგს“

დასაწყისი მე-2 გვერდზე
თუ ხელისუფლება ათავისუფლებს პოლიტიკურ პატიმრებს და უბრუნდება პროპორციულ დიალოგს, მაშინ, რა თქმა უნდა, ჩვენც ვუბრუნდებით პროპორციულ დიალოგს.

– ამის მზაობა ხელისუფლების მხრიდან არ ჩანს.

– დიახ, არ ჩანს. რადგან არ ჩანს ამის მზაობა, ჩვენ ვეშვადებთ გეგმა ბე-სთვის, რომ დღევანდელი სისტემის პირობებში დავამარცხოთ ხელისუფლება. ეს არის შესაძლებელი მხოლოდ მაჟორიტარულ ოლქებში კოორდინირების შემთხვევაში. რატომ არის მარტო ასე შესაძლებელი? იმიტომ, რომ ასეთ შემთხვევაში, თუ ჩვენ კოორდინირებას შევძლებთ, ხელისუფლებას მათემატიკურად უბრალოდ გამარჯვება ვერ ექნება, თუ არ მოიგებს მაჟორიტარებს. მან 50%-ზე მეტი მხარდაჭერა უნდა მიიღოს და ფიზიკურად არა აქვს ეს მხარდაჭერა. ამიტომ თუ ვინმე თვლის, რომ ეს იყო ლაღატი ჩვენს მთავარ მიდგომებზე, უბრალოდ, არასწორად ესმის საკითხი. ამ დროს პირიქით არის. ჩვენი მხრიდან, დალაგება მაჟორიტარულ ოლქებზე, არის გარკვეული ქიში ოპოზიციის მხრიდან. რადგან ჩვენ

ვლაგდებით, ხელისუფლებას უკვე აღარ აწყობს არსებული სისტემა. ამიტომ ყველას კარგად უნდა ესმოდა, რომ თუ ივანიშვილი არ ცვლის თავის დამოკიდებულებას, მაშინ ოპოზიცია შეთანხმდეს ერთიან მაჟორიტარულ კანდიდატზე, ეს თავად საზოგადოების ინტერესია!

– ეს წყნობა გამოიწვია იმან, რომ ჯერ ისევ მოლაპარაკებების პროცესია, არაფერია გადამწყვეტილი და უკვე მაჟორიტარობის კანდიდატებიც კი დასახელდა. გამოდის, რომ ოპოზიცია მზად არის ამ სისტემისთვის და აღარ იბრძვის პროპორციულისთვის. ასე?

– არ დასახელებულა კანდიდატები. უბრალოდ გაჟონა ამ ინფორმაციამ ერთ-ერთ მედიამ. თუ სალი აზრით ვიფიქრებთ, ეს ადამიანები, ვისზეც საუბარი იყო, ისედაც გასაგებია, რომ მათი გვარები დასახელებულია, რადგან პოლიტიკური ლიდერები არიან. მთავარი სახეები არიან და არ დასახელებდებიან მაჟორიტარებად?! მთავარ სახე-

ებს რომ არ დავასახელებთ, ეს მოლოდინი აქვს ვინმეს?! ამიტომ არაფერი ახალი მაგაში არ იყო.

– აბა რა მოხდა?

– უბრალოდ, არასწორად იქნა აღქმული, რომ ვილაგებთან შეთანხმების გარეშე ხომ არ მოხდა ეს. მე ეტყვი, რომ ჯერ არაფერია შეთანხმებული. არც ეს კანდიდატები. ამაზე საუბარი მიმდინარეობს უბრალოდ და შეთანხმება მანამდე არ იქნება, სანამ ყველა დეტალზე არ შევთანხმდებით.

– ხელისუფლებაც ალაპარაკდა ამაზე, რომ ოპოზიცია შიგნით ვერ თანხმდება და რა გასაკვირია, ჩვენთან რომ ვერ შეთანხმდნენ.

– სწორედ ეგ არის, რომ ეს ხელისუფლების პროპაგანდაა, მათი მიზანია აჩვენოს, რომ ოპოზიცია არის სუსტი. დღეს სხვა რეალობაა. ოპოზიცია არ არის სუსტი, პირიქით, არის ძალიან ძლიერი და კიდევ უფრო ძლიერი იქნება თუ შევთანხმდებით მაჟორიტარულ ოლქებზე. ეს

პროცესი მიდის, ჩვენ ეს დავაანონსეთ დიდი ხანია და გრძელდება დიდი ხანია, არაფერი ახალი ამაში არ უნდა იყოს არავისთვის.

– რამდენად იმუშავებს დღეს ხელისუფლება იმაზე, რომ გაითქოს ოპოზიცია?

– რა თქმა უნდა, იმუშავებს. ეს ისედაც ვიცით, აქ რაიმე ახალი კი არ არის. მთელი მისი პროპაგანდული ორგანოები ამით არიან დაკავებული, რომ აჩვენონ, აი, ოპოზიცია არის გასლენილი. ეს ძალიან კარგად ვიცით ჩვენ და ამიტომ არ გვეშინია ამის, იმდენად მზად ვართ.

– ეს მოლოდინი გეჭვთ ხელისუფლების მხრიდან, მაგრამ რამდენად შეიძლება ამის განხორციელება?

– მე არ მგონია, რომ შეძლონ და დაშლონ ოპოზიციური ერთობა. მე ვფიქრობ, რომ ჩვენი ერთობა არ დაიშლება. ივანიშვილი რომ პარტიების მოსყიდვას დაიწყებს ეს გასაგებია, მაგრამ მე არ მგონია, რომ ვინმე გაიყიდოს ივანიშვილის ფულზე.